

## — 372 —

chen vnd Ruodolfen der hof vnd das geseffe ze Gottenheim vnd was darzuo höret, vnd Brokingen das dorf vnd gericht, vnd der hof ze Baldingen, vnd was ich da han, vnd sol man in das lidigen mit fünf marchen gelz von dem guote vom Herzogen von Tecke vnd von Wrfelingen. Da belibent dennoch zwenzig march gelz über, der sont zehen march werden dem Schultheisen vnd Cuonrat, vnd zehen Dietrichen vnd Ruodolfen. Item so han ich gegeben vnd gibe vnd machen, den fünf gebuodern Cuonrat Snewelis mins bruoder feligen sünen, die festi ze Birchiberg vnd was dar ine ist vnd darzuo höret, vnd das gericht da vnd vf der Leiti, vnd das lehen gelt vnd zinse vorm walde, das bruoder Hiltbrant hatte, das lehen ist vom Bischof von Strazburg, den zehenden ze Wolfenwiler, vnd die vierdehalp pfunt pfenning gelz da, die die lüte da gent, vierzehen mut gelz die Bertschizem Mine git, nün juchart reben ze Ebringen, die drü pfunt pfenning gelz ze Gloter, vnd was ich da han, vnd die fünfzehen march silber gelz von Graf Berchtolt von Sulz vnd dem von Rüti, vnd sont aber sü da von gen Zinen irre sweester ierlich fünf march gelz die wile sü lebt, vnd so sü enist, so vellet wider an sü, vnd sol die gen, gen Günstertal, Junten vnd Kolmans künden ierlich ein pfunt pfenninge, och die wile die lebet, vnd Claren von Falkenstein fünf schilling, Johans von Falkenstein tochter da ieflicher fünf schillinge die wile sü lebet, vnd wenne ir deheins enist, der teil vellet wider an Zinen oder an ir bruodere ob sü enist. Item so han ich geordnet vnd gibe zehen schilling pfenning gelz, an die kilchen ze Witenowe, vnd an die kilchen ze Wolswiler och zehen schilling gelt, ze mim jarzit da von ze begand. Vnd die pfründe des von Endingen, in dem Münster ze Friburg, seze ich och das lihen an die vorgeanten drie. Vnd die Karithuser beuilhe ich dem rate, vnd den sehfen an den trümen, als ich sü har bracht han, vnd sü der rat in sinen schirm het genomen, vnd bitte, wil sü ieman ienar an sumen oder irren,